



Broj: 05/1-50-13-29-16-6/16
Sarajevo, 22.02.2016. godine

PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM
DOM NARODA

БОСНА И ХЕРЦЕГОВИНА
ПАРЛАМЕНТАРНА СКУПШТИНА БОСНЕ И ХЕРЦЕГОВИНЕ
САРАЈЕВО

PRIMLJENO: 22-02-2016			
Organizaciona jedinica	Klasifikaciona oznaka	Broj	Broj priloga
05/1-	50-19-	629	16

B

PREDMET: Izvještaj o radu Nezavisnog odbora Parlamentarne skupštine BiH kao nezavisnog tijela policijske strukture Bosne i Hercegovine za 2015. godinu

Poštovani,

U skladu sa članom 7. stav (1) tačka e) Zakona o nezavisnim i nadzornim tijelima policijske strukture Bosne i Hercegovine ("Službeni glasnik BiH" broj 36/08) i i članom 9. Poslovnika o radu Nezavisnog odbora kao nezavisnog tijela policijske strukture BiH ("Službeni glasnik BiH" broj 93/09) Nezavisni odbor je na 16. sjednici održanoj 10. 02. 2016. godine usvojio Izvještaj o radu Nezavisnog odbora Parlamentarne skupštine BiH kao nezavisnog tijela policijske strukture Bosne i Hercegovine za 2015. godinu i dostavlja ga Parlamentarnoj skupštini BiH na usvajanje.

S poštovanjem,

PREDSJEDNIK
NEZAVISNOG ODBORA
Žiko Krnić

Prilog: Izvještaj o radu Nezavisnog odbora Parlamentarne skupštine BiH kao nezavisnog tijela policijske strukture Bosne i Hercegovine za 2015. godinu na bosanskom, hrvatskom i srpskom jeziku

Dostavljeno:

- Naslovu
- a/a



Broj: 05/1-50-13-29-16-5/16
Sarajevo, 10.2.2016.

IZVJEŠTAJ

**o radu Nezavisnog odbora Parlamentarne skupštine Bosne i Hercegovine kao
nezavisnog tijela policijske strukture Bosne i Hercegovine za 2015. godinu**

Februar 2016. godine

SADRŽAJ

POGLAVLJE I. UVODNE NAPOMENE	3
POGLAVLJE II. NADLEŽNOSTI NEZAVISNOG ODBORA	3
POGLAVLJE III. IZVRŠAVANJE ZADATAKA IZ NADLEŽNOSTI NEZAVISNOG ODBORA.....	4
Odjeljak A. Realizacija zadataka održavanjem redovnih sjednica Nezavisnog odbora	4
Odjeljak B. Realizacija zadataka održavanjem sastanaka s rukovodiocima policijskih tijela BiH u skladu s Planom rada za 2015. godinu	9
POGLAVLJE IV. SARADNJA S MEĐUNARODNIM ORGANIZACIJAMA I OSIGURANJE JAVNOSTI RADA.....	10
POGLAVLJE V. ADMINISTRATIVNO-TEHNIČKA PODRŠKA RADU.....	10
POGLAVLJE VI. PREPORUKE I ZAKLJUČCI.....	11

Na osnovu člana 7. stav (1) tačka e) Zakona o nezavisnim i nadzornim tijelima policijske strukture Bosne i Hercegovine i člana 9. tačka e) Poslovnika o radu Nezavisnog odbora kao nezavisnog tijela policijske strukture Bosne i Hercegovine, Nezavisni odbor je na 16. sjednici, održanoj 10.2.2016., usvojio i Parlamentarnoj skupštini Bosne i Hercegovine podnosi sljedeći

IZVJEŠTAJ

o radu Nezavisnog odbora Parlamentarne skupštine Bosne i Hercegovine kao nezavisnog tijela policijske strukture Bosne i Hercegovine za 2015. godinu

POGLAVLJE I. UVODNE NAPOMENE

Nezavisni odbor osnovan je Zakonom o nezavisnim i nadzornim tijelima policijske strukture Bosne i Hercegovine ("Službeni glasnik BiH", broj 36/08), kao nezavisno tijelo Parlamentarne skupštine BiH.

Nezavisni odbor ima devet članova koji su imenovani na mandat od četiri godine odlukom Parlamentarne skupštine BiH ("Službeni glasnik BiH", broj 20/14).

POGLAVLJE II. NADLEŽNOSTI NEZAVISNOG ODBORA

Nezavisni odbor je, u skladu sa Zakonom o nezavisnim i nadzornim tijelima policijske strukture BiH i Poslovníkom o radu Nezavisnog odbora, nadležan za provođenje procesa odabira kandidata i predlaganje smjenjivanja policijskih rukovodilaca i zamjenika rukovodilaca policijskih tijela BiH; objavljivanje javnih konkursa i razmatranje prijava kandidata, vršenje odabira i dostavljanje ministru sigurnosti BiH imena najviše pet kandidata za rukovodioce i imena najviše pet kandidata za zamjenike rukovodilaca policijskih tijela BiH, predlaganje smjenjivanja rukovodilaca i zamjenika rukovodilaca policijskih tijela BiH, ako su počinili krivično djelo, osim za krivična djela iz oblasti sigurnosti saobraćaja, ili ako počine tešku povredu službene dužnosti, kao i u slučaju ako utvrdi da ne postižu odgovarajuće rezultate, razmatranje pritužbi na rad rukovodilaca i zamjenika rukovodilaca policijskih tijela BiH i obavješćavanje o tome ministra sigurnosti BiH i Vijeća ministara BiH, iniciranje pokretanja disciplinskog postupka protiv rukovodilaca i zamjenika rukovodilaca policijskih tijela BiH, obradu podataka i vođenje evidencije u skladu sa zakonom i drugim propisima i ostale poslove propisane zakonom, Poslovníkom o radu i drugim propisima.

POGLAVLJE III. IZVRŠENJE ZADATAKA IZ NADLEŽNOSTI NEZAVISNOG ODBORA

Osnovna nadležnost Nezavisnog odbora je provođenje procesa odabira kandidata za rukovodioce i zamjenike rukovodilaca policijskih tijela BiH, te u vezi s tim objavljivanje javnih konkursa i razmatranje prijava kandidata, vršenje odabira i dostavljanje ministru sigurnosti BiH imena najviše pet kandidata za rukovodioce i imena najviše pet kandidata za zamjenike rukovodilaca policijskih tijela BiH.

U vezi s navedenim, Nezavisni odbor je u 2015. godini proveo proceduru izbora direktora Državne agencije za istrage i zaštitu BiH.

Nezavisni odbor je u toku 2015. godine redovno održavao komunikaciju s rukovodiocima policijskih agencija po svim bitnim pitanjima iz njihovog djelokruga, s posebnim naglaskom na aktivnosti koje su policijska tijela preduzimala u vezi s događanjima koja su izazivala veću medijsku pažnju.

Osim ove nadležnosti, Nezavisni odbor nadležan je i za predlaganje smjenjivanja rukovodilaca i zamjenika rukovodilaca policijskih tijela BiH, iniciranje pokretanja disciplinskih postupaka protiv rukovodilaca policijskih agencija BiH. Potrebno je naglasiti da je tokom 2015. godine Nezavisni odbor imao jedan prijedlog za pokretanje disciplinskog postupka i jednu inicijativu za smjenu direktora Direkcije za koordinaciju policijskih tijela BiH kao i prijedlog i inicijativu za smjenu direktora Državne agencije za istrage i zaštitu BiH.

Odjeljak A. Realizacija zadataka održavanjem redovnih sjednica Nezavisnog odbora

U izvještajnom periodu Nezavisni odbor održao je 10 (deset) redovnih i 1 (jednu) telefonsku sjednicu s ukupno 41 tačkom dnevnog reda, kako slijedi:

Broj i datum održavanja sjednice	Broj razmatranih tačaka dnevnog reda na sjednici	Broj prisutnih članova sjednicama Nezavisnog odbora	Broj članova koji nisu bili prisutni sjednicama Nezavisnog odbora	Zakazivane pa otkazivane sjednice iz objektivnih razloga
6./6.2.2015.	6	8	1	
7./18.5.2015.	3	9	0	2.4.2015.
8./21.7.2015.	5	8	1	30.6.2015.
telefonska / 4.8.2015.	1			

9./18.8.2015.	5	8	1	
10./24.8.2015.	4	8	1	
11./16.9.2015.	3	9	0	
12./12.10.2015.	2	9	0	
13./17.11.2015.	5	7	2	
14./8.12.2015.	3	9	0	
15./30.12.2015.	4	7	2	

Nezavisni odbor je na sjednicama razmatrao pitanja iz svoje nadležnosti, pri čemu izdvajamo:

Na sjednici Nezavisnog odbora, održanoj 6.2.2015., razmatran je Prijedlog izvještaja o radu Nezavisnog odbora za 2014. godinu kao i Plan rada Nezavisnog odbora za 2015. godinu. Nakon rasprave, Prijedlog izvještaja o radu Nezavisnog odbora za 2014. godinu nije dobio potrebnu većinu te je dogovoreno da se za narednu sjednicu dostave primjedbe na Izvještaj. Plan rada Nezavisnog odbora za 2015. godinu usvojen je jednoglasno bez primjedbi.

Također, usvojeni su izvještaji o posjeti Nezavisnog odbora Graničnoj policiji BiH te Direkciji za koordinaciju policijskih tijela BiH.

Na sjednici Nezavisnog odbora, održanoj 18.5.2015., ponovo je razmatran Prijedlog izvještaja o radu Nezavisnog odbora za 2014. godinu nakon čega je jednoglasno usvojen prijedlog članice Nezavisnog odbora Adise Begić da se izjašnjavanje odgodi za sljedeću sjednicu te da se u roku od sedam dana dostave primjedbe na Izvještaj.

Na zahtjev prvog zamjenika predsjednika Enesa Obralije razmatran je i Prijedlog da se Vijeću ministara BiH uputi prijedlog za suspenziju ili smjenu direktora Državne agencije za istrage i zaštitu BiH. Ovaj prijedlog nije dobio potrebnu većinu.

Na sjednicu Nezavisnog odbora, održanu 21.7.2015., pozvan je direktor Direkcije za koordinaciju policijskih tijela BiH Mirsad Vilić kako bi članove Nezavisnog odbora usmeno i detaljno informirao o događajima koji su se desili u Potočarima 11.7.2015. i napadu na predsjednika Vlade Republike Srbije Aleksandra Vučića i njegovu delegaciju. Nakon razgovora s direktorom Direkcije za koordinaciju policijskih tijela BiH, a na prijedlog drugog zamjenika predsjednika Mate Jožića da se Nezavisnom odboru dostavi pismena informacija o događajima tog dana usvojen je

ZAKLJUČAK

Nastavit će se postupak utvrđivanja činjenica u vezi s ovim događajem uz informaciju koja bude dostavljena Nezavisnom odboru.

Također, razmatrana je i inicijativa za smjenu Gorana Zupca, direktora Državne agencije za istrage i zaštitu BiH, dostavljena od ministra sigurnosti BiH. Nakon rasprave, predsjednik Nezavisnog odbora obavijestio je ostale članove da će, u skladu sa svojim poslovnim ovlaštenjima, zatražiti Izvještaj o radu Državne agencije za istrage i zaštitu BiH za 2014. godinu nakon čega će zakazati sjednicu Nezavisnog odbora na kojoj će se ponovo razmatrati inicijativa ministra sigurnosti BiH.

Predsjednik Nezavisnog odbora je **4.8.2015.** zakazao hitnu sjednicu Nezavisnog odbora na kojoj će se razmatrati Prijedlog za smjenu direktora Državne agencije za istrage i zaštitu BiH. S obzirom na to da je sjednica zakazana u vrijeme godišnjih odmora i da nije bilo kvoruma za njeno održavanje, predsjednik Nezavisnog odbora je, u skladu s Poslovnikom o radu Nezavisnog odbora i telefonskim izjašnjenjem članova Nezavisnog odbora da su za prijedlog za smjenu, uputio **PRIJEDLOG ZA SMJENU** direktora Državne agencije za istrage i zaštitu BiH Vijeću ministara BiH i Ministarstvu sigurnosti BiH, a njegova verifikacija uslijedit će na prvoj narednoj sjednici Nezavisnog odbora.

Na sjednici Nezavisnog odbora, održanoj 18.8.2015., ponovo je razmatran Izvještaj o radu Nezavisnog odbora za 2014. godinu nakon čega je uz određene dopune i ispravke jednoglasno usvojen i proslijeđen Parlamentarnoj skupštini BiH na usvajanje.

Na ovoj sjednici članovi Nezavisnog odbora jednoglasno su verificirali akt Nezavisnog odbora upućen Vijeću ministara BiH i Ministarstvu sigurnosti BiH o prijedlogu za smjenu direktora Državne agencije za istrage i zaštitu BiH.

Također, razmatrane su pritužba i inicijativa za pokretanje disciplinskog postupka kao i inicijativa za smjenu direktora Direkcije za koordinaciju policijskih tijela BiH dostavljene od ministra sigurnosti BiH. Nezavisnom odboru je na zahtjev dostavljena Informacija Ministarstva sigurnosti BiH o događajima u Potočarima 11.7.2015. koja je označena oznakom **TAJNOSTI** i koja će biti predata nadležnoj komisiji Parlamentarne skupštine BiH, a koja je ovlaštena i certificirana od državnog sigurnosnog organa za čuvanje tajnih podataka u Parlamentarnoj skupštini BiH, i Informacija Direkcije za koordinaciju policijskih tijela BiH o događajima u Potočarima 11.7.2015. Uzimajući u obzir pristiglu dokumentaciju, članovi Nezavisnog odbora jednoglasno su donijeli

ZAKLJUČAK

Članovi Nezavisnog odbora dužni su da ostvare uvid u pristiglu Informaciju Ministarstva sigurnosti BiH kao i Informaciju Direkcije za koordinaciju policijskih tijela BiH o događajima u Potočarima 11.7.2015. kako bi se nesmetano mogla održati sjednica

Nezavisnog odbora na kojoj bi se raspravljalo o inicijativi Ministarstva sigurnosti BiH za smjenu direktora Direkcije za koordinaciju policijskih tijela BiH.

Članovi Nezavisnog odbora jednoglasno su usvojili Odluku o raspisivanju Javnog konkursa za provođenje procedure odabira kandidata na poziciju direktora Državne agencije za istrage i zaštitu BiH, te utvrdili tekst Javnog konkursa.

Javni konkurs bit će objavljen u „Službenom glasniku BiH“, „Službenom glasniku Brčko Distrikta BiH“, u dnevnim novinama: „Oslobođenje“, „Glas Srpske“ i „Večernji list“, kao i na veb-stranici Parlamentarne skupštine BiH.

Na sjednici Nezavisnog odbora, održanoj 24.8.2015., ponovo je razmatrana inicijativa za smjenu direktora Direkcije za koordinaciju policijskih tijela BiH dostavljena od ministra sigurnosti BiH. Na sjednicu su pozvani zamjenici direktora Direkcije za koordinaciju policijskih tijela BiH Mile Jurić i Uroš Pena kako bi s članovima Nezavisnog odbora razgovarali o događaju koji se desio u Potočarima 11.7.2015. i napadu na premijera Republike Srbije Aleksandra Vučića. Nakon razgovora sa zamjenicima i rasprave članova Nezavisnog odbora o inicijativi za smjenu direktora Direkcije za koordinaciju policijskih tijela BiH pristupilo se glasanju. S tri glasa ZA, dva PROTIV i tri SUZDRŽANA inicijativa nije dobila potrebnu većinu, ali su se članovi Nezavisnog odbora dogovorili da će u narednom periodu nastaviti razmatrati ovo pitanje.

Na sjednici Nezavisnog odbora, održanoj 16.9.2015., razmatrane su pristigle prijave na Javni konkurs za provođenje procedure odabira kandidata na poziciju direktora Državne agencije za istrage i zaštitu BiH. Na Javni konkurs za izbor direktora Državne agencije za istrage i zaštitu BiH blagovremeno je pristiglo 9 prijava. Nakon uvida u dostavljenu dokumentaciju traženu Javnim konkursom konstatirano je da urednu dokumentaciju ima 7 kandidata te da će biti pozvani na intervju.

Na sjednici Nezavisnog odbora, održanoj 12.10.2015., obavljen je intervju s kandidatima koji su se prijavili i koji ispunjavaju uslove Javnog konkursa za provođenje procedure odabira kandidata za izbor direktora Državne agencije za istrage i zaštitu BiH. Na intervju se odazvalo svih 7 pozvanih kandidata.

Nakon obavljenog intervjua članova Nezavisnog odbora uslijedilo je ocjenjivanje i bodovanje kandidata nakon čega je sačinjena rang-lista najboljih kandidata. Rang-lista je, u skladu s članom 13. Poslovnika o radu Nezavisnog odbora kao nezavisnog tijela policijske strukture BiH, dostavljena ministru sigurnosti BiH na daljnje postupanje.

Na sjednicu Nezavisnog odbora, održanu 17.11.2015., bili su pozvani direktor Državne agencije za istrage i zaštitu BiH Perica Stanić i zamjenik direktora Državne agencije za istrage i zaštitu BiH Đuro Knežević kako bi s članovima Nezavisnog odbora razgovarali o trenutnom stanju u Državnoj agenciji za istrage i zaštitu BiH.

Također, članovi Nezavisnog odbora jednoglasno su usvojili Izvještaj o posjeti Državnoj agenciji za istrage i zaštitu BiH od 17.9.2015.

Razmatrana je i inicijativa ministra sigurnosti BiH o pitanju eventualne odgovornosti za događaje u Potočarima 11.7.2015. nakon čega su članovi Nezavisnog odbora jednoglasno usvojili dva zaključka:

ZAKLJUČAK I.

Odgđa se izjašnjavanje o ovom pitanju za neku od narednih sjednica Nezavisnog odbora.

ZAKLJUČAK II.

Nezavisni odbor uputit će akt Tužilaštvu BiH s upitom da li se istraga u vezi s događajima u Potočarima od 11.7.2015. vodi protiv Mirsada Vilića, direktora Direkcije za koordinaciju policijskih tijela u BiH.

Na sjednici Nezavisnog odbora, održanoj 8.12.2015., članovi Nezavisnog odbora razmatrali su izvještaje o finansijskoj reviziji Granične policije BiH, Direkcije za koordinaciju policijskih tijela BiH i Državne agencije za istrage i zaštitu BiH koje im je na zahtjev dostavio Ured za reviziju institucija BiH. Nakon rasprave, članovi Nezavisnog odbora primili su izvještaje k znanju i usaglasili se kako će oni biti predmet razgovora s rukovodstvom policijskih agencija.

Dalje, članovi Nezavisnog odbora razmatrali su i kako u narednom periodu poboljšati sam rad Nezavisnog odbora u smislu razmjene iskustava između sličnih organa policijskih agencija iz zemalja Evropske unije te su tako donijeli

ZAKLJUČAK

U narednom periodu, u saradnji sa Zajedničkom službom Sekretarijata Parlamentarne skupštine BiH, potrebno je sačiniti aplikaciju putem TAIEX programa za studijsku posjetu te organiziranje radionica kako bi se unaprijedio rad Nezavisnog odbora nakon sagledavanja prakse i rada ovakvih i sličnih tijela u zemljama Evropske unije.

Također, članovi Nezavisnog odbora iskazali su potrebu da ubuduće prisustvuju sjednicama i seminarima koje organizira Zajednička komisija za odbranu i sigurnost BiH, a na kojima se razmatraju pitanja koja se odnose na rad policijskih agencija, i u tom smislu donijeli sljedeći

ZAKLJUČAK

Uputiti dopis predsjedavajućem Zajedničke komisije za odbranu i sigurnost BiH u kojem izražavaju potrebu da predstavnici Nezavisnog odbora (do tri člana) budu pozivani na

sjednice i seminare kada se na njima razmatraju pitanja koja se odnose na rad i postupanje policijskih agencija BiH.

Na sjednici Nezavisnog odbora, održanoj 30.12.2015., razmatran je Plan rada Nezavisnog odbora za 2016. godinu koji je nakon rasprave jednoglasno usvojen.

Također, razmatrana je i Informacija o događajima u Novom Gradu 10.12.2015., koju je na zahtjev Nezavisnog odbora dostavila Državna agencija za istrage i zaštitu BiH. Članovi Nezavisnog odbora su nakon rasprave Informaciju jednoglasno primili k znanju.

Odjeljak B. Realizacija zadataka održavanjem sastanaka s rukovodiocima policijskih tijela BiH u skladu s Planom rada za 2015. godinu

Planom rada Nezavisnog odbora za 2015. godinu predviđeno je održavanje pojedinačnih sastanaka s rukovodstvom Direkcije za koordinaciju policijskih tijela BiH, Državne agencije za istrage i zaštitu i Granične policije BiH. Osnovni cilj ovih sastanaka je uvid u rad i upoznavanje s problemima s kojima se u radu susreću rukovodioci policijskih agencija BiH. Nezavisni odbor obavlja zadatke iz svoje nadležnosti i putem izvještaja o radu koji dostavlja Parlamentarnoj skupštini BiH na razmatranje i usvajanje informira je i o problemima u radu policijskih agencija BiH iz svoje nadležnosti.

Sastanak članova Nezavisnog odbora Parlamentarne skupštine BiH kao nezavisnog tijela policijske strukture BiH sa zamjenikom direktora Državne agencije za istrage i zaštitu BiH Đurom Kneževićem održan je 17.9.2015. u prostorijama Državne agencije za istrage i zaštitu BiH.

Đuro Knežević u uvodnom dijelu istakao je kako on u ovom trenutku obavlja dužnost v.d. direktora samo do izbora novog direktora Državne agencije za istrage i zaštitu BiH čiji je konkurs već u proceduri.

Na pitanje članova Nezavisnog odbora da zamjenik direktora u kratkim crtama kaže kakva je situacija u Državnoj agenciji za istrage i zaštitu BiH što se tiče materijalno-tehničke opremljenosti, kadrovske popunjenosti i sistematizacije radnih mjesta, te upotrebe specijalne jedinice gosp. Knežević istakao je da je izuzetno zadovoljan što se tiče materijalno-tehničke opremljenosti, ali da je vozni park u veoma lošem stanju te da su već osigurana sredstva za 20-ak novih vozila. Također, osigurana su i sredstva za izgradnju nove zgrade u Mostaru te s ponosom ističe da su dobili besplatno zemljište za izgradnju objekta u Tuzli za koji je izrada projektne dokumentacije već u toku.

Kada je riječ o kadrovskoj popunjenosti, gosp. Knežević informirao je članove Nezavisnog odbora da je u Državnoj agenciji za istrage i zaštitu zaposleno ukupno 735 osoba, od čega je 512 policijskih službenika, 81 državni službenik te 142 zaposlenika. U izradi je novi

pravilnik o sistematizaciji novih radnih mjesta kojim je predviđeno da se smanji broj državnih, a poveća broj policijskih službenika jer ih je malo. U 2013. godini u Državnoj agenciji za istrage i zaštitu BiH prestao je radni odnos za osam policijskih službenika, u 2014. godini za 25, a u 2015. godini predviđa se da će radni odnos prestati za još 21 policijskog službenika, što su ukupno 54 policijska službenika.

Istakao je da je u ovom trenutku primljeno 20 novih inspektora koji su na obuci u Mostaru, a da je posljednje zapošljavanje policijskih službenika u Državnoj agenciji za istrage i zaštitu BiH bilo kada su primljena 43 svršena kadeta s kojima su zaključeni ugovori o radu, s početkom od 1.1.2013. Također je istakao da je u 2015./2016. godini predviđen prijem 20 mladih inspektora i 12 specijalaca. U 2015. godini unaprijedeno je 20 policijskih službenika.

Što se tiče upotrebe specijalne jedinice Državne agencije za istrage i zaštitu BiH, gosp. Knežević istakao je da je potrebno za njeno stavljanje na raspolaganje unaprijed sačiniti plan te da nema upotrebe specijalne jedinice bez upoznavanja lokalne policije, a sve u svrhu poboljšanja odnosa s lokalnom policijom.

Također, naglasio je da imaju izuzetno dobru saradnju s Obavještajno-sigurnosnom agencijom BiH te da je saradnja s Graničnom policijom BiH i Direkcijom za koordinaciju policijskih tijela BiH dobra, ali da bi mogla biti i bolja.

POGLAVLJE IV. SARADNJA S MEĐUNARODNIM ORGANIZACIJAMA I

OSIGURANJE JAVNOSTI RADA

Rad Nezavisnog odbora pratili su i svim sjednicama prisustvovali predstavnici OHR-a i predstavnik Delegacije specijalnog predstavnika EU u BiH. Sve sjednice Nezavisnog odbora pratili su zaposleni u Sektoru za odnose s javnošću Sekretarijata Parlamentarne skupštine BiH te predstavnici medija u BiH. Javnost se može upoznati s radom Nezavisnog odbora i putem akata koje je ovaj odbor usvajao i putem zapisnika, jer su objavljeni na veb-stranici Parlamentarne skupštine BiH. Na ovaj način osigurana je transparentnost rada Nezavisnog odbora.

POGLAVLJE V. ADMINISTRATIVNO-TEHNIČKA PODRŠKA RADU

Zajednička služba Sekretarijata Parlamentarne skupštine BiH je, prema Zakonu o nezavisnim i nadzornim tijelima policijske strukture u BiH, zadužena da pruža svu administrativno-tehničku podršku radu Nezavisnog odbora. Zajednička služba osigurala je potrebne uslove za rad Nezavisnog odbora angažiranjem stručnog osoblja, ali i osiguravanjem materijalno-tehničkih i drugih uslova za nesmetan rad.

POGLAVLJE VI. PREPORUKE I ZAKLJUČCI

Nezavisni odbor realizirao je većinu programskih aktivnosti planiranih u 2015. godini, a u skladu sa Zakonom o nezavisnim i nadzornim tijelima policijske strukture Bosne i Hercegovine.

Nezavisni odbor predlaže Parlamentarnoj skupštini BiH da usvoji Izvještaj o radu Nezavisnog odbora kao nezavisnog tijela policijske strukture u BiH za 2015. godinu.



PREDSJEDNIK-a
NEZAVISNOG ODBORA

Žiko Krunić

PRILOG: Tabelarni prikaz održanih sjednica i prisustvo članova Nezavisnog odbora u 2015. godini

**TABELARNI PRIKAZ ODRŽANIH SJEDNICA I PRISUSTVA ČLANOVA
SJEDNICAMA NEZAVISNOG ODBORA ZA 2015. GODINU**

Broj i datum održavanja sjednice	Ime i prezime člana Nezavisnog odbora								
	Žiko Krunić	Enes Obraliija	Mato Jozić	Ilma Mehić Jusufbašić	Adisa Begić	Nikola Džambas	Mate Miletić	Ljubomir Kuravica	Miroslav Škorić
6. sjednica 6.2.2015.	+	+	+	+	+	+	- Opravdano odsutan	+	+
7. sjednica 2.4.2015. (Otkazana iz objektivnih razloga)									
7. sjednica 18.5.2015.	+	+	+	+	+	+	+	+	+
8. sjednica 30.6.2015. (nedostatak kvoruma)	- Opravdano odsutan	+	- Opravdano odsutan	+	+	- Opravdano odsutan	+	+	+
8. sjednica 21.7.2015.	+	+	+	+	- Opravdano odsutna	+	+	+	+
Telefonska sjednica 04.8.2015.	+	+	+	+	+	+	+	+	+
9. sjednica 18.8.2015.	+	+	+	+	+	+	+	+	- Opravdano odsutan
10. sjednica 24.8.2015.	+	+	+	+	- Opravdano odsutna	+	+	+	+
11. sjednica 16.9.2015.	+	+	+	+	+	+	+	+	+
12. sjednica 12.10.2015.	+	+	+	+	+	+	+	+	+
13. sjednica 17.11.2015.	- Opravdano odsutan	+	+	- Opravdano odsutna	+	+	+	+	+
14. sjednica 8.12.2015.	+	+	+	+	+	+	+	+	+
15. sjednica 30.12.2015	+	+	- Opravdano odsutan	+	+	+	- Opravdano odsutan	+	+